

240610
41
ILLUSTRISSIMO, AC REVERENDISSIMO
DOMINO

CO: SERGIO DE POLA

EPISCOPO FAMAGUSTÆ,
ET FOLLINÆ ABBATI.

*Se, & Philosophicas hasce Sententias ex Universa Phi-
losophia selectas junta Doctrinam S. THOMÆ ACQUI-
NATIS Quinti Ecclesiæ Doctoris*

D. O. C.

D. JACOBUS FELECTUS TARVISINUS AUDITOR

Rev. Pat. Fr.

THOMÆ ANGELICI COLLE

Ord. Prædicatorum Artium Lectoris.



TARVISII, MDCCXLIV.

Typis EUSEBII BERGAMI.
SUPERIORUM PERMISSU.

LIBRERIA DI L. B. BERNARDINI

ROMA

CO: SERGIO DE POLA

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT

FRANCESCO DI MONTMANT



FRANCESCO DI MONTMANT

FRANCESCO DI MONTMANT

FRANCESCO DI MONTMANT

Illustrissime, ac Reverendissime Domine.



Uorsescumque in publicam Arenam, lectissimas apud audientium coronas, pro virium mearum tenuitate, verba facturus descendere aggressus sum, antequam anceps adeo, & periculosum cartamen inirem, semper optimum, meique muneris iudicaveram, ea omnia, hinc inde, diligentissimè perquirere, quæ non modo auditorum benevolentiam, verum, & attentionem mihi conciliarent. At nunc mutata omnino voluntate, ab incerto cursu recedere consentaneum puto, non quod de rei exitu dubitandum mihi non sit, & humanitate vestra passim opus habere non sentiam, sed res, qua de agendum mihi est addis, animos, ipsaque benevolentiam vestram, & attentionem conciliare mihi posse confidis. Quid enim Philosophiæ illustrius, quid præclarius, quid humano generi utilius? Hæc rerum magistra, ingeniorum excelsrix, virtutum omnium parens, Rerum Publicarum columen, & propugnaculum, unde jure, ac merito Divinus agebat Plato, tunc Respublicas beatas fore cum eas Philosophi cepissent regere, aut qui regerent Philosophi-

ri: Testis est Rerum Publicarum princeps, & Coripheus
VENETORUM RESPUBLICA, cujus clauum, ut ita
dicam, tenentibus, sapientissimeque moderantibus Philo-
sophis, ne minima quidem belli incommoda sentis, nullis-
que vexata hostibus in otio versatur, cum cetera fere
Urbes Provincia Regna, terra, marique horridis, teretri-
misque bellis exagrentur. Quid plura! si præcipuas ejus
laudes, ac singularia tantum beneficia, quæ tum domi in
pace, civibus, cum foris in bello conferrat Philosophia, bo-
dierna luce, percensere instituam, dies me deficeret, cu-
jus ratio postulat, ut sermonis mei vella contraham, pe-
riculosumque certamen in veteranos hostes aggrediar, no-
vus adhuc milles, vix e rethorica castris egressus, in quo
constituto quantum pertimescendum mihi sit, virium mea-
rum imbecillitas, perexiguumque ingenium, horum nemini
æquiparandum, satis aperse declarant, Unum hercle est
quod nostros reficit, & recreat animos, auditores, buju-
sce Præfulis aspectus, cujus eximiam si spectemus inco-
gritatem, nemini videretur æqui parandus, sin vero gne-
ris nobilitatem, ex illustrioribus Romani Sanguinis Pa-
miliis, nempe ex Sergiis præclaram ducit originem; de
qua, ne pauca dicam, silendum existimo, cum ab aliis
antea ex celeberrimis Romana Historia Scriptoribus satis
hære, & quidem graviori calamo conscriptum sit. Silentio
tamen non prætermittam eximiam illius virtutem, cu-
jus in ore, cœnæ majorum stemma, diffusa passim emi-
net, qua non secus, ac Themistoclem, Alcibiadis, Tro-
pæum quiescere volentem excitabas, ita sollicitior, ut
surrens nulla interjecta mora, bellum gerere, impetie-
ritusque in media arma irrucere non perhorrescam. Cæ-
terum quidquid fructus, quidquid honoris ex eo mihi
repportare continger, totum me sibi perpetuo debiturum
promitto.

Servus Humillimus, Addictissimus, ac Obsequentissimus
Jacobus Feletus.



De ratione Scientiæ.

I.



UM optima cujusque facultatis instituendæ ratio maximè petat, ut qualis ea sit initio aperiat: illud nobis philosophiæ operam daturis probatur plurimum, quod Cicero libro secundo de Officiis, & Melchior Canus animadvertunt, eam esse rerum divinarum, humanarum, causarumque, quibus hæ res continentur, scientiam; quam quidem definitioni recentiorum quorundam jure præferimus, qui eam scientiam possibilem, quatenus esse pos-

Lib. 9. cap. 9.

sunt, definire minimè dubitant.

I I.

Existere philosophiam certissimum nobis est: quidquid Accademici aliter opinentur.

I I I.

Primam philosophiæ effectricem causam Deum Optim. Maxim. S.T. 1. q. 94. agnoscimus, qui eam Proto-parenti nostro liberaliter, ac largiter infudit. a. 3.

I V.

Non defuerunt, imò nec desunt nostris hisce temporibus viri philosophiæ adeo infensi, qui omni qua valent litigandi libidine, eam ubique hominibus inutilem, ac perniciosam, & prædicarunt, & divenditant; cui sententiæ nos totis viribus obstitimus, qui eam hominibus utilem, ac necessariam propugnamus.

V.

Neque iis acquiescere haudquaquam possumus, qui a philosophia limites omnes auferentes, ubique eam vagari posse audent, & divinæ fidei subicere omnino recusant. Nam suos limites habet philosophia, & fidei, & theologiæ inferior est; idcirco nos utriusque criterio eam subicimus, ut expurgetur; si quid absonum, christianæque religio-

1. p. q. 1. a. 8.
in c. 1. c.
gentes c. 7. c.
ep. 16. c. ult.

ligioni adversum in se consistat. Nihil enim verum esse potest secundum philosophiam, quod secundum fidem catholicam falsum sit.

V I.

Cum multæ sint in philosophia sectæ pro variâ cuiusque sententiæ ratione, quibus homines philosophiæ operam dederunt, nos sectam Peripatetico-Thomisticam præ ceteris feligimus, atque amplectimur. At neque nos morosus quisque censor, ut oves, inde traducat, qui aliterius vestigiis insistamus, quasi proprio, ut ajunt, Marte, novam ipsæ cuderit philosophiam, ab aliorumque doctrina abhorreat, qui ea forte in nobis condemnaverit, quibus ipse quam maxime delectatur. Nam eum sequi merito possumus, qui in omni serè disciplinarum genere, singulari ordine, ac mira perspicuitate, sine ullo prorsus errore conscripsit. Qualem fuisse S. Thomam Clemens Octavus apertissime dixit.

V I I.

Admonemus autem quemlibet Thomisticæ præsertim scholæ assecundat, ne philosophiæ operam daturus Mathesis penitus imperitus accedat; Cum ea, ut clarissimis nos edocet verbis D. Thomas, ad philosophiam aditum pandat. Ex quo datur intelligi, quod primo Logicum, deinde Mathematica debet adisci: Et ita his quasi quibusdam vis præparatur animus ad alias Physicas disciplinas. Hæc ille. Admonemus insuper, ne nimis intemperanter eos sequatur, qui de rebus Philosophicis agentes, non nisi Mathematicas notiones proferunt; qui dum Peripateticis vitio vertunt, quasi in Metaphysicis tritis penitus immergi delitescant, in oppositum ipsi ruunt; ita ut non tam Philosophiam, quam Mathematicam pertractare videantur. Utrunque excessum æquè reprobamus; Nam

Opusc. 70. super Boet. de Trinit. g. 1. in c. age igitur, ingrediamur. c. 1. ad 3.

Horat. in arte poet.

Est modus in rebus, sunt certi denique fines,
Quos ultra, citraque nequit consistere rectum.

V I I I.

Quæ de Mathesis ad Philosophiam utilitate a nobis dicta sunt, ita intellecta volumus, ut non solum quidquam præstet illi Philosophiæ, quam quidam otii causa discunt, verum & illi, cui, cum ad scientiam divinam sit veluti semita, homines præsertim sacri sedulam navant operam. Quamvis enim (aut Angelicus) scientia divina, sit prima omnium, naturaliter tamen quoad nos alia scientia sunt priores. Unde dicit Avicenna in principio sue Metaphysicæ. Ordo illius scientiæ est, ut addiscatur post scientias naturales . . . similiter etiam post Mathematicam: indiget enim hæc scientia ad cognitionem substantiarum separatarum cognoscere numerum, Et ordinem orbium celestium, quod non est possibile sine Astronomia, ad quam tota Mathematica præægitur.

I X.

6. ethic. le. 7. 7.

Quæ cum ita sint. Congruus erit addiscendi ordo, ut primo quidem pueri Logicalibus instruantur; quia Logica docet modum totius philosophiæ: Secundo instruendi sunt in Mathematicis, quæ nec experientia indigent, nec imaginationem transcendunt: tertio in naturalibus, quæ, etsi non excedant sensum, Et imaginationem, requirunt tamen experientiam: quar-

X 7 X

quarto in Moralibus, quæ requirunt experientiam, & animum a passionibus liberum: quinto autem in sapientialibus, & divinis, quæ transcendunt imaginationem, & requirunt validum intellectum. Quam discendi methodum reliquit nobis D. Thomas, cujus doctrinam sequi gloriamur.

X.

Hinc videant recentiores quidam Philosophi, qui Doctorem Angelicum & Mathesis ignarum, & in Philosophia pertractanda omni lepore, ac venustate destitutum traducunt, quam malignè id præstent; cum tam præclaræ merodi, quæ hodie Philosophia in scholis traditur, veluti architectus habendus sit; hanc enim methodum, & nobis tradidit, & exemplo firmavit, ut evolventi ipsius commentaria in Aristotelem patebit.

Logica.

I.

Logica inter Philosophiæ partes primum in disputando sibi vindicat locum. Ab illa igitur initium & nos sumimus. Verum cum varia, ac pene infinita sint, quæ in dubium vocari possunt: tempusque nimis avarum, de omnibus dicere non sinat: nonnulla examinanda seligimus, quæ, & nobis, & sæculo huic nostro, magis ardeant. Atque, ut ordine procedamus, ab ideis ordiemur; quarum existentiam in nostra mente ultro concedimus. At quæ Platoni adscribuntur immutabiles, æternæ, per se subsistentes, rerum denique ac scientiarum omnium archetypæ, ut vocant, commentitiz omnino sunt, ac nullæ; imo a recta ratione alienum putamus, ne suspicari quidem, Platonem ita desipuissè, ut eas admitteret.

I I.

Quemadmodum ideæ res nobis repræsentant: ita voces earum rerum, quæ sunt in mente nostra, signa sunt & quidem naturalia; adeo ut licet penes Hominum arbitrium sit, huic voci hanc vel alteram significationem illigare, jure tamen suo voluit natura, ut signa essent interiorum conceptuum; ut loquitur S. Thomas. Hinc videant boni rerum æstimatores, quam ineptam conati sunt in scenam obtrudere legem nonnulli; in aliquibus nempe casibus (cum scilicet Homines loquuntur) voces destitui omni significatione prius habita. Nam si semel admittetur hæc lex, cito labefactabitur, ac subvertetur humanum commercium.

2.2.q.66.a.7.

I I I.

Cognita idearum, ac vocum natura, quæ ad primam pertinent intellectus, seu mentis nostræ operationem; nonnulla circa judicium, cujus est ideæ, ac voces jungere, aut separare, dicenda occurrunt. Ad Intellectum spectare dicimus, si rectum sit, minime autem ad voluntatem, (nisi iniquum sit, ac defectuosum) ut opinatur Purchotius;

A 4

qui

X 8 X

qui dum miratur, Philosophos iudicium intellectui tribuere solitos: mirantur illi, quod ipse Purchotius intellectum habuerit omni recto iudicio vacuum.

I V.

1. c. gent. c. 55.

Or 1. p. q. 58.

a. 2.

Hoc porro iudicium si, ut mentalis quædam propositio, quæ externam, seu vocalem, ut ajunt, representat, consideretur, licet ex pluribus ideis componatur, unum quid simplex nihilominus esse, contendimus.

V.

1. p. q. 16. a. 7.

Or 1. Beriber.

lect. 13.

Jam vero quod veritatem, & falsitatem iudiciorum nostrorum attinget: iudicia illa vera esse censemus, quæ rei enunciata conformia sunt; falsa quæ disformia. Quare cum propositiones omnes, quæ iudicia nostra exprimunt, semper sint, aut rei enunciata conformes, aut ab illa disformes; semper veritatem aut falsitatem capiunt. Excipimus tamen propositiones de futuro, ut vocant, contingenti: quæ veritatem aut falsitatem ab exteriori aliqua causa recipiunt; quæ causa Dei decretum est: nam hæc ex sui natura & ad veritatem, & ad falsitatem sunt indifferentes. Hinc si pro nostro concipiendi modulo propositiones illas spectemus eo in statu, quo Deus nihil circa illas decrevisset: dicimus, tales propositiones neque veras, neque falsas esse; sed ad veritatem & falsitatem indifferentes.

V I.

2. 2. q. 1. a. 5.

Or q. 14. de

verit. a. 9.

Hinc consequitur, propositiones perfecte cognitæ, quæ scilicet aut veritati, aut falsitati manifeste consentientes, aut repugnantes sunt, quandam in nobis generare veritatis notitiam, quam scientiam nuncupamus; cujus existentiam adversus Academicos, Scepticos, ac Pirrhoncos firmissimis rationibus propugnamus.

V I I.

Scientiam ab opinione, & fide distinguimus. Imo mirari haud satis possumus Philosophos quosdam, qui scientiæ actum, cum fidei, ac opinionis actibus simul conjungi posse contendunt. Intellectus enim circa aliquam veritatem scientiæ actu illuminatus, eodem temporis momento circa eandem, aut credere, aut opinari incapax est.

V I I I.

Utramque methodum Analyticam scilicet, & Syntheticam ad scientiam necessariam esse satemur. Nam qui fieri unquam potest, ut veritatem assequi valeat, qui ideas, iudicia, ac ratiocinationes suas inordinate, ac confuse admodum percipit, perpendit, & suis quasque locis non distribuit? Dicimus tamen servandam in scientiis, & facultatibus omnibus propriam methodum. Idcirco sicuti qui Geometriæ, aut Arithmeticæ dat operam a Geometrica, vel Arithmetica methodo recedere minime debet. Ita qui Theologiæ, aut Philosophiæ insudat, Dialecticam, quæ harum scientiarum propria est, omnino servare debet; nec Oratoriæ inniti.

Qnsa

Ontologia.

I.

Ontologia scientia est, quæ de ente, ejusque principiis, attributis, gradibus; nec non de ejus in decem prædicamenta divisione, ac de primis axiomatis, per quæ ens ipsum cognosci possit, fusè admodum agit. In hac plurimi admodum delectantur. Verum fateamur, necesse est, plura esse, quæ captum nostrum superant; quales esse possunt disputationes illæ de universalibus, de nominum analogia, de primo cognito, de principio individuationis, de maximo, & minimo, de infinito, de intensione; & remissione, de proportionibus, & gradibus, deque aliis hujusmodi sexcentis; quemadmodum & illæ: num Deus materiam possit facere sine forma, num plures Angelos ejusdem speciei condere, num continuum in omnes suas partes dividere, num relationem a suo subiecto separare, aliasque multo vaniores, quas scribere hic nec libet, nec decet; A quibus abstinendum putamus, ne in unum vel alterum ex duobus illis vitiis turpiter incidamus, quæ Cicero commemoravit, quorum alterum est, ne inognita pro cognitis, incerta pro certis habeamus. Quid enim est tam temerarium, tamque indignum sapientis gravitate, atque constantia, quam falsum sentire, aut quod non satis perceptum sit, & cognitum sine ulla dubitatione defendere? ut ipse loquitur. Alterum vitium, quod vitare nos jubet Cicero, est, ne magnum studium, multamque operam in res obscuras, ac difficiles conferamus, easdemque non necessarias. Nam, ut nos admonet S. Thomas, Philosophorum placita in iis, quæ obscura admodum sunt, & ambigua inconsideratè suscipi nullatenus debent. Idcirco nos missas facientes disputationes illas, quas nuper ex doctissimo Cano commemoravimus; de quibus ait ille loco laudato: *Puderet me dicere non intelligere, si ipsi intelligerent, qui hæc tractarunt*: a quæstione de accidentibus absolutis, quæ delectabilis est, & nostris hinc temporibus valde celebris, exordimur. Horum autem accidentium naturam a subiecto reipsa distinctam esse contendimus, quæ, ut omnibus, ut ajunt numeris, comprobata maneat, & Sacræ Ecclesiæ auctoritati conformem, & naturalibus rationibus valde innixam, firmiter sustinemus.

I I.

Cum ad Metaphysicam, quæ naturalium scientiarum princeps est, prima cognitionis nostræ principia, quæ vulgo criteria dici solent, designare, & expendere pertineat; de his agere potissimum debet Metaphysicus, ut perspicuam habeat aliquam veritatis regulam, cui fidere possit, & tuto inferendo de rebus judicio incedere. Principio itaque statuimus, hoc veritatis criterium in multis rebus adesse, ob nimiam rerum earundem perspicuitatem, ac evidentiam.

I I I.

Fateamur tamen, multa in rebus esse, quæ facillimè nos in turpissi-

Canus lib. 9. c. 7.

lib. 1. de nat. Deorum.

1. Metaphis. lect. 4.

D. Th. 1. p. c. 75. a. 2.

D. Th. 9. 10. de mente a. 8. in c.

*S.Th.4.Met.
1.6. & lib.11.
1.5. & 1.p.9.
85.inc.*

pissimos errores inducent, si nullo prævio maturo examine; judicium nostrum circa illa ferre voluerimus. Quare in iis abstinendum judicium censemus, donec per maturum ac diligens examen in plano posita fuerint. Verum effrænis illa ac immoderata de rebus omnibus dubitatio, quam semel in vita Cartesius necessariam esse voluit ad veritatem inveniendam, tantum abest, ut veritati prosit, quin illam penitus evertat. Multa enim sunt, de quibus nefas est dubitare; idcirco nos circa ea assensum sustinere non possumus, ne nobis necessarium quoque sit dubitare, an sensus rationis compotes. Hoc in genere sunt illa, quæ a Geometris axiomata vocantur.

I V.

*S.Th.9.10.de
mente a.8.in
c.*

Quod si Cartesio concederemus, instituendam scilicet de rebus omnibus, ac de ipsis Geometricis axiomatis in ipso Philosophiz exordio dubitationem: haud tamen sequeretur, quod ipse jactat, primam omnium notionem, quæ cuilibet ordine philosophanti occurrat de rerum existentia, hanc esse: *ego cogito: ergo sum*.

V.

1.p.9.2.a.1.

Rejicimus insuper illam veritatis regulam, quam Cartesiani Philosophi nuper excogitarunt his verbis: *quidquid in idea clara, ac distincta alicujus rei percipitur, de illa re potest certissime judicari*. Nam cum neque inter Cartesianos ipsos satis constet, quænam sint idææ claræ, quænam distinctæ; & quonam pacto hæ ab obscuris, ac confusis secerantur: ut testis est Edmundus Purchotius 1.p. Log. c.4. nos veritatis regulam adeo incipiti incertoque principio inniti posse, aperte inficiamur.

V I.

Quid igitur? veritatis criterium in sensibus ponendum erit? Minime gentium; nisi eis neque ratio adversetur, neque aliorum sensuum testimonium. Equis enim nescit, sensus nostros, si solos spectemus, multa nobis exhibere aliter ac sint in se? Hoc enim nos edocet experientia veritatis Magistra. Hinc eleganter Lucretius lib.4.

*Qua velimur navi, fertur, cum stare videtur,
Quæ manet in statione ea præter creditur, ira,
Et fugere ad puppim Colles, campique videntur,
Quod agimus præter navim, velisque volumus. &c.*

idcirco iis fidendum minime est; non quod ipsi falsitatis arguantur; sed quod nobis erroris causam præbeant, præcipue si inter facultatem cognoscentem, visum nempe, & rem, quæ visu attingitur, duplex medium intercedat, ut aqua, & aer; nam tunc semus e.g. rectus curvus videbitur: vel res visu attingenda valde dista sit; quadrata enim Turris eminus spectata rotunda apparet: vel si denique cognoscentis facultatis organum vitiatum sit: tunc res aliter exhibentur, ac sint in seipsis; quod adeo clarum est, ut nil clarius.

V I I.

Quare veritatis regulam in sola perspicuitate, ac evidentia reponimus; cum nihil occurrat, quod eam obscurare valeat. Unde cum

Geo-

Geometrica, ac Metaphisica principia: totum est sua parte majus: impossibile est idem simul esse, & non esse; aliaque hujusmodi in ipsa perspicuitate, & evidentia sint posita, libenter ea suscipimus, ut veritatis, ac certæ cognitionis nostræ firmam, & constantem regulam.

Erbiologia.

L

EThiologia scientia de causis interpretatur. Quatuor dicimus rerum causas esse: efficientem, finalem, materialem, formalem: quidquid aliter opinentur Philosophi nonnulli. Principem inter causas locum sibi vindicat efficiens; de qua palca dicere animus nobis est. Hanc duplicem facimus creatam, & increatam; quæ quid sint, ex nomine ipso patet. Quantum ad priorem attinet, non me latet, quoddam fuisse Arabes, qui vim omnem a corporibus effectricem abstulerant, nullamque præter Deum effectricem causam agnoscebant; sed aethumabant corpora quasdam occasiones esse, quibus Deus in creaturis operaretur: ita ut dum globus in alterum pellitur, proprium illi non communicaret motum, sed esset solum quædam occasio, qua Deus in tali globo motum illum produceret. Opinionem hanc stultitix redarguit S. Thomas; quia, ut ipse ait, *ordinem tollit universi, & propriam a rebus aufert operationem, nec non naturale destruit iudicium sensus*. Huic antiquatæ opinioni subscribunt Cartesiani, qui omnem movent lapidem, ut peripateticæ Scholæ omni ex parte adversentur. Docent itaque, creaturas perpetuo otiosi; nam licet eas effectrices vocare minime recusent, illas tamen vere effectrices non agnoscunt, sed solum occasionales, ut opinabantur veteres illi jam recensiti; ut autem id Philosophis venditare possint, dicunt, Deum initio & materiam creasse & motum: quem motum transfert ex uno corpore in aliud, prout rerum ordini convenire sapienter adjudicat. Ex hac porro motus translatione mutationes omnes in rebus fieri fidenter opinantur. Verum cum effectricem creatam causam reipsa dari, & ratio, & experientia satis nobis declarent: huic Cartesianæ opinioni jure, ac merito vale dicimus.

I I.

Alteram effectricem causam, increatam nempe, Deum nuncupamus, qui non solum universa, quæ sunt, providentiæ suæ tuctur, atque administrat; sed & ad omnes illarum actiones ut universalis causa concurrat; non autem sic, ut D. Th. verbis utar, *ut idem effectus causa naturali, & divina virtuti tribuatur, quasi partem a Deo, partim ab agente naturali fiat; ut falso opinatur Ludovicus Molina; sed totus est ab utroque secundum alium, & alium modum*. Imo ita in creaturis operatur Deus, ut ea, quæ moventur, aut aliquid agunt, intima virtute ad motum, atque ad actionem ita impellit, ut quævis causam-

in 2. dist. 2. a.

4

3. c. sent. 70.

Catech. Rom.

1. p. de 1. Sim.

art. n. 22.

rum secundarum efficaciam non impediatur, praeveniat tamen; cum ejus occultissima vis ad singula pertingat.

I I I.

2. p. 9. § 3. a. 1.
ad. 3.

Deus igitur, ait D. Thomas, est prima causa movens causas naturales, & voluntarias; & sicuti naturalibus causis movendo eas, non aufert, quin actiones earum sint naturales; ita movendo causas voluntarias, non aufert, quin actiones earum sint voluntariae; sed potius hoc in eis facit: operatur enim in unoquoque secundum ejus proprietatem. Quod repetit sexcentis in locis. Qua de re videri potest Doctiss. Franciscus Silvius in Opusculo de Deo motore. Ex quo liceat mihi inferre, insulse, & ignoranter deblatasse, insulasque quendam: Phisicam Thomistarum praemotionem alienam esse omnino a mente S. Thomae, eamque purum inventum esse PP. Alvarez, & Banez Doctrinae Thomisticae Professorum. Nam vel nuda S. Thomae operum lectio, falsitatis, ignorantiae, & calumniae reum cum satis declarat.

I V.

1. 2. q. 79. a. 2.
in c.

Praemovet quoque Deus creaturas ad peccati actum; cum qua Praemotione incolumis Dei sanctitas omnino persistit. Respondeo dicendum, ait D. Thomas, quod actus peccati & est ens, & est actus, & ex utroque habet, quod sit a Deo. . . . Peccatum nominat ens, & actionem cum quoddam defectu. Defectus autem ille est ex causa creata, scilicet libero arbitrio, inquantum deficiit ab ordine primi agentis scilicet Dei. Unde defectus iste non reducitur in Deum sicut in causam, sed in liberum arbitrium. Sicut defectus claudicationis reducitur in Tibiam curvam; sicut in causam, non autem in virtutem motricem, a qua tamen causatur quicquid est motionis in claudicatione; & secundum hoc Deus est causa actus peccati, non tamen est causa peccati; quia non est causa hujus, quod sit actus cum defectu. Hæc D. Th., hæc & nos.

Pneumatologia.

Pneumatologia dicitur scientia de spiritibus. Hanc partimur in Theologiam naturalem; quæ Deum auctorem naturæ contemplantur: Angeologiam, quæ de Angelis ediscit: Psychologiam, quæ tota in consideratione humanæ mentis versatur. Ut autem a priori exordiamur; decernimus, ac profiteamur, unum Deum esse, qui sit à re quavis independens, & omnium perfectionum genere præditus: quem si impius quidam insipienter inficietur, dicens in corde suo: non est Deus. Nos illico ei occurrimus, illius existentiam efficacibus, atque ineluctabilibus rationibus tum Metaphisicis, tum Phisicis, tum Moralibus, ex aurea D. Thomae Summa depromptis, demonstrando; quin imo Geometricis, si opus erit, animadversionibus eam mirum in modum illustrabimus.

1. p. 9. 2. 4. 3.

At

I I.

At minime hac in re audiendus venit Cartesius, qui spreta antiquorum semita, novam quandam existentiae divinae demonstrationem nobis exhibens, in purum putumque paralogsimum turpiter praecipitat, quod & detegerat, & diluerat S. Thomas; *ejus acumen in Theologia naturalis*, (sicut & in aliis facultatibus) *mirantur omnes, quibus idem disjucicandi facultas est data*; ut loquitur Christ. Wolfus, qui Catholicos quosdam Sciolos admonet, quanti sit facienda D. Angelici Doctrina, quam ipsi vel ex fraude, vel ex ignorantia contemnunt. Contendit enim Cartesius, esse in nobis ideam entis summe perfecti, nempe Dei; quae neque adventitia sit, neque factitia, sed innata, ex qua posses concludit fidenter, quasi res explorata esset: igitur Deus existit. Quod tertè merum paralogsimum sapit. Nam praeterquam quod idea Dei, quae in nobis est, finita sit, ac limitata, mentique nostrae, a qua excipitur, proportionata: ea neque clara est in nobis, neque distincta, sed obscura, confusa, suisque limitibus adstricta. Praeterea tantum abest, ut ex hac entis omnino perfecti, quae in nobis est, idea, Dei existentiam colligere possimus; quin imò, audeo dicere, si Dei existentia aliis rationibus non inniteretur, quam Cartesianae haec ineptae rationi, posset quis nullo negotio, jure ac merito, divinam inficiari existentiam. Dicam amplius: si haec Cartesii illusio adversus Atheos, qui insipienter in corde suo Deum inficiantur, urgeatur; cum Deum existere jam supponat, satis declarat, Dei existentiam probari minime posse.

1. p. q. 12. a. 1.
 2. c. gent.
 c. 11.

p. 2. Theol.
 natur. annot.
 447.

1. p. princ.

t. p. q. 2. a. 7.

I I I.

Mens itaque humana lumine naturali Deum per ea, quae facta sunt, cognoscit, ut rerum omnium conditorem, unum, ab hoc universo distinctum, independens, &c. Hinc colligit statim, eum omni perfectionum genere donatum esse, bonum scilicet, aeternum, simplicissimum, immutabilem, immensum &c.; ex quibus non abs re intelligit, infansisse, ac delhasse, qui Deos multiplices effinxerant, qui eum corporeum statuerant, globosum, mortale, animal quoddam, terminisque circumscriptum dixerant. Haec enim quid aliud sunt, quam somniantium somnia, ac delirantium deliramenta!

1. p. q. 2. a. 3.

I V.

Secunda Pneumatologiae pars est Angeologia, quae scientia de Angelis interpretatur. De his mundissimis Divinitatis speculis, unum tatis est animadvertere; eos substantias esse incorruptibiles, ac materiei omnino expertes; quod quidem rationibus naturalibus comprobari potest, quidquid deblaterent Materialistae.

1. p. q. 50. a. 1.
 2.

V.

Tertia Pneumatologiae pars est Phycologia, quae scientia est mentis humanae. Haec porro mens humana Angelis finitima, pulcherima, ac nobilissima; neque ignea est, ut quidam dixerunt, neque aerea, nec aqua; nec ex quatuor elementis armonia, nec musicalis concentus; nec primarum qualitarum complexio, nec athomorum unio, nec

aura

aura celestis, nec Deus, divinæque substantiæ particula, nec denique numerus seipsum movens, ut ineptè cogitant alii, sed spiritalis quædam creata substantia, omni corpore exuta, ab omni que materiæ contextu libera, licet corpori destinata.

Neque tamen Cartesio actum arbitramur, qui animam humanam spiritalem substantiam esse colligit ex idea clara, ac distincta cogitationis, qua prædictam animadvertit: quia cogitatio nullam extensionem exprimit, *quantasunque enim, ait ille, cogitationes ac desideria congeras, nunquam tamen substantiam extensam afficies.* Nam licet hoc verum sit, non ita tamen in idea clara, ac distincta cogitationis spiritalitatis animæ relucet, quemadmodum arbitratur Cartesius, ut statim hoc animam ad cogitationem convertam, *idea spiritus mihi se se prodæ.* Et sane Epicurei, alique, qui Materialismum in Medium adferre nobis videntur, in idea clara, ac distincta cogitationis spiritum non agnoscunt. Dicamus potius, ex cogitatione, qua sibi conscia est animæ hominis, nos firmissimam haurire rationem ad ejus spiritualitatem ostendendam.

1. p. 34. 49. 5.
1. p. 4. 75. a. 2.

1. p. 9. 87. a. 7.

Minus recte philosophatur Cartesius, *laudatus*, dum ex cogitatione, qua humanam mentem præditam agnoscit, ejus naturam & essentiam in sola cogitatione positam esse concludit; nam licet mens humanæ cogitationes eliciat; non est tamen, cur inferamus, primum humanæ mentis attributum, intra illius naturam situm, esse cogitationem; cum hæc potius sit ipsius mentis operatio necessaria, quæ mentem cogitandi capacem præsupponere habet. Aberrat pariter toto ostio Wolfius, dum humanæ mentis naturam sitam esse contendit in vi repræsentativa universi.

V I I I.

Si igitur spiritalis substantia est animus noster cogitandi capax; certè eas conditiones sortiri minime natus est, quibus afficitur corpus; quare licet ipsum interitui sit obnoxium: animus tamen perire nequit, sed perquite corpore superstes manet. Hanc porro Animi immortalitatem multis rationibus adversus Epicureos firmiter propugnamus, quæ si accurate perpendantur, satis evincunt, minimi faciendos esse illos, qui animi immortalitatem sola fide agnoscunt.

I X.

Quod Animarum originem attinet, res definita est ab Ecclesia, eam scilicet nec generari, nec ex potentia materiæ educi, sed unius creati a Deo. Neque tamen arbitretur quis, initio scilicet creaturæ esse definitum Animarum cœtum, quæ de corpore in corpus per generationem migrant; vel in syderibus collocatæ, velut in proprio domicilio, solo vagandi desiderio ad humana corpora descendant. Nam una cum corpore creatur animus noster. Imo si accurate loqui velimus, nulla ratio postulat, ut Wolfio concedamus tanquam Hypothesim, eos initio simul creatos fuisse, atque in organicis corpusculis positos.

Du-

1. p. 9. 90. a. 2.
ad 2. 5. a. 4.

X 15 X

Duplici facultate præditam dicimus mentem humanam intellectu nempe, qui veritatis facultas vocatur, quatenus res attingit, prout cognoscit possunt; & voluntate, quæ est quedam inclinatio in bonum per rationem ipsam apprehensum. Cum autem veritas sit bono universatior, ac simplicior, illud quoque præcedere habet. Hinc intellectum, qui veritatem respicit, voluntate, quæ a bono determinatur, nobiliorem dicere minime dubitamus.

1. p. 7. 81. a. 3.

X L

Inter plures, quas Scholæ nostræ recensent intellectus divisiones, celeberrima est illa in agentem, & patientem; quam inter res commentitias enumerant recentiores Philoſophi. Nos cum illis libentissime conveniremus, si expeditiorem nobis viam exhiberent, qua mens humana res corporeas valeat attingere. Quoniam autem illi nil aliud in medium adducunt, nisi legem quandam, quam Deus sancivit, inter mentem & corpus, quæ & corpus operetur juxta animi cogitationes, & mens juxta varias impressiones per organa sensuum effectas: non est, cur sibi blandiantur, & nos exagitent. Nam nil verat, quominus & nos dicamus, Deum legem condidisse, ut intellectus agens illustret, atque irradiet phantasmata, ut ex iis eliciantur spirituales imagines, quas intellectus patiens deinde assequatur.

1. p. 7. 79. a. 3.

X I I

Ea porro est conditio humanæ mentis, ut nil valeat percipere absque idearum ministerio. Minus recte concluderet propterea quis, eas corporeas esse debere.

Quæ quasi membrans summo de cortice rerum

Lucret. lib. 4.

Direpta, volitant ultro, citroque per auras.

Nam cum mens humana sit substantia spiritalis, fingi haud quidem potest, eam corporeis imaginibus, quæ spiritui improprietate sunt, affici, aut immutari unquam posse.

X I I I

Sed neque adeo felices nos certe putamus, ut cum Platone arbitremur, animas nostras inatid simul creatas fuisse, & omni cognitionum genere imbutas, & antequam corporibus unirentur, in Syderibus collocatas ad contemplanda corpora cœlestia: postquam autem corporibus unitæ fuerint, corporis ipsius caligine obteatas, omnium rerum cognitione destituerentur: quam tamen caliginem studio excuterent; ac propterea, non studio ac labore quidquam de novo non acquirere; sed duntaxat earum rerum reminisci, quæ in Mundo intelligibili jam diu nobis innotuerant.

1. p. 9. 84.

X I V

Platonis de ideis doctrinam non nihil interpolavit Cartesius: Triplex facit idearum genus, factitias, adventitias, & innatas. Adventitias ideas, quæ ex rebus per sensum trajectis recipiuntur, lubenter admittimus: sicut & factitias, quæ a mente nostra ex ideis comparatis efformantur; At quæ innatæ vocitantur, nullæ prorsus sunt. Neque

Medit. 3.

X 16 X

que enim nos ideas habemus congenitas, ut ad earundem usum indigeamus excitatione per organa sensuum effecta per legem a Deo corpus inter & mentem sancitam; ut quidam Cartesiani docent. Imo nec aliqua nobis congenita est facultas ad hasce ideas effingendas; quasi mens virtute conficiendi ideas prædita sit, ubi motus quidam in nervis, aut cerebro excitati fuerint a rebus externis, necnon cerebro ipsi quædam impressa vestigia, licet hæc nullam cum mente similitudinem habeant. Factitias ideas a fictitiis distinguimus; quod mens priores ex rerum habita ratione componat; posteriores nonnisi ex sui arbitrio. Quocirca Purchotii doctrinam, quæ factitias ideas vel ex innatis componi, vel ex conjunctione sensationis intimæ cum idea clara produci docet, inter ideas fictitias enumeramus.

X V.

Multo minus Malebranchii excogitatum admittimus, qui censet, nos naturali lumine Deum immediate intueri, ac in ipso, velut in speculo omnia representante res corporeas. Qui enim fieri potest, ut mens naturali suo lumine, quod finitum est, ascendere possit ad videndum Deum, qui infinitus est? iis igitur potius assentimur Philosophis, qui censent, ideas quaslibet rerum externarum ope, ac ministerio sensuum menti advenire.

X V I.

Hinc falsum arbitramur, quod Cartesiani una cum Malebranchio opinantur, humanam mentem se, suasque facultates, & quæ in ea sunt, per se ipsam, seu per conscientiam, ut ajunt, aut intimum sensum, intelligere. Nam si aliquo modo mens humana se ipsam cognoscit, id mediis propriis actibus præstat, supra seipsam nempe reflectendo.

X V I I.

Ab hac doctrina recedere minime videtur Wolfius in Psychologia naturali, ubi hæc effatur: *Quando enim Anima sui, suarumque perceptionum sibi conscia est . . . super totali perceptione reflectit.* At ipsi concedere haud possumus, nos ex eadem conscientia prius animam cognoscere, quam corpus, ut colligit. Nam si Wolfio ipsi stare velimus: anima sibi conscia est per actum reflexum. Fieri porro neutiquam potest, ut hæc Animæ reflexa perceptio omnem rei ideam præcedere possit; cum ea sit reflexæ cognitionis natura, ut directam cognitionem supponere habeat. Hoc autem eo libentius dicimus, quia Goclenius in lexico reflexionem his verbis definiens: *reflexio est phisicis, cum postquam intellectus concipit rem aliquam, rursus concipit, se concipere eam, & considerat, ac metitur, quia certitudine, & modo eam cognoverit.* Wolfius eam amplectatur.

X V I I I.

Cum igitur humana mens ideas a corpore mutuetur, quibus dividendo, componendo, comparando, opponendo, amplificando, minuendo &c. ad earum rerum etiam assequendam notitiam utitur, quas vel nunquam sentimus, aut sentire possumus, dum easdem mire ver-

fat, atque in iis rebus, quæ sensus afficere nequeunt, accomodat: jam corpori unita esse debet; at non ut Nauta Navi, sicuti fortè nonne-
mo e Platoniorum grege redivivus aurtumabit; quia tunc, ut mul-
tis ostendit D. Angelicus, esset in potestate Animæ a corpore se jun-
gi, cum vellet. Nam unitur animus corpori, ut vera, ac naturalis ip-
sius forma: cujus sedes nec glandula pinealis est; ut Cartesius finxit;
nam præterquam quod hæc glandula alijs usibus inserviat, ut ex ana-
tomia comperitur: non est ita apta, ut animalium spirituum mo-
tus, sensuumque impressiones excipere queat. Neque est cerebri me-
dulla, cum qua communicant omnes nervi, spiritusque animales ad
eam appellant; etenim multa sunt, & quidem gravissima momenta,
quæ satis ostendunt, eam esse totam in toto, & totam in qualibet
corporis parte.

1.p. q.76.a.1.
inc.2.c.Gent.
c.57.

1.p. q.76.a.8.

X I X.

Hic animus itaque corpori unitus, & in eo operans, determina-
tos quosdam elicit motus, qui eum certis corporis motibus apprime
respondent: sic uti è contra respondere videmus certas animi cogita-
tiones cum certis corporeis motibus, ita ut illæ ab illis divelli neutri-
quam possint. Ex quo facile nobis est, animam inter, ac corpus commer-
tium aliquod animadvertere, ut ex certis animi volitionibus, certi in
corpore motus fiant: & ex certis corporis motibus, certæ quoque in a-
nima causentur perceptiones. Ut autem hujus commercii aliquam red-
derent rationem Philosophi, tria excogitarunt systemata adeo varia, adeoque
inter se discrepantia, ut veritas altis circumfusa tenebris desperanda po-
tius, quam inveniendâ omnino videatur.

X X.

Ne tamen nimium arida nostra hæc Philosophia appareat, aliqua
circa hæc systemata dicere minime recusamus. Rejicimus principio sy-
stema Assistentiæ, seu causarum occasionalium, quod Cartesius exeogi-
tavit, & Malebranchius splendide digessit, atque exposuit, tum a
recta ratione, tum a Christiana philosophandi institutione; eum hæc
Hypothesis Spinosismum spiret, fatalismum inducat, efficiatque Deum
ex machina, ut loquitur Leybnitzius.

1.p.q.105.a.5.
inc.

X X I.

Ingeniosum est, fateor, systema armoniæ præstabilitæ a Leybnit-
zio excogitatum, & a Wolfio methodo geometrica illustratum, ad hu-
jusmodi animi eum corpore commercium explicandum. Sed multa
sunt, quæ nos clarissime edocent, hanc hypothesim proposito minime
satisfacere. Quare systemati influxus physici, quod & magis receptum
est, & ad explicandos animi, & corporis motus magis aptum, liben-
ter subscribimus. Nam & nobis metipsis conscii sumus, mentem pro
sui modulo corpus movere, & vicissim corpus mentem; alterum-
que in alterum physicè influere; quod firmissimis etiam rationibus
potest fieri manifestum. Quamquam plura fateamur esse, quæ nos enu-
cleare satis minime possumus. Verum animadvertat, nos systema in-
fluxus physici, non ut hypothesim, sed ut Theſim recipere, ac propugnare.

1.p. q.76.a.1.
inc.

B

Ap-

Appendix de Anima Brutorum.

I.

DE Brutorum Anima differentes Philosophi, in varias, oppositasque sententias ivere. Non defuerunt, imo nec defunt Viri Philosophi, qui mira quædam a Brutis patrata admirantes, spiritalem animam eis concedere non erubuerunt. Antiqua Pithagoricorum opinio fuit, animas de corpore in corpus migrare: imo de Homine in belluam. Fæde, ac turpiter, imo erronee, ac impie! Recens opinio est, quæ circa finem elapsi sæculi emerfit in Anglia, quam etiam in Italia promulgavit Laurentius Magalotti Florentinus, brutorum animas spiritales esse, & intellectu præditas. Turpius, ac impius nostris hinc temporibus! At si res ita se se habet; qui fieri unquam potest, ut ex immortales quoque non sint? Cur igitur eas mortales, ac corruptibiles dicunt? Fædius aberrat cum Rorario Bælius, dum contendit, Bruta melius ratione uti, quam Homines ipsi, quatenus ea vividiori rationis usu, & beneficio donata judicat.

I I.

Peccularis, & ingeniosa certe videtur Wolfii sententia circa animas brutorum. Hic enim docet, eas non esse quid corporeum, quia corpus non sunt: quid materiale, quia non sunt materia: quid corruptibile, quia partibus sunt destituta: quid spiritale, quia carent intellectu, & voluntate: quid immortale, quia cum sunt a corpore sejuncta, non sunt in statu perceptionum distinctarum. Sed quid erit tandem hæc brutorum anima? Brutorum anima ex Wolfio est *monas*, seu ens per se subsistens, ab initio Mundi creatum, post corporis solutionem perseverans. Præclare Wolfi! Nos tamen valedicimus tuæ opinioni, qui non aliam subsistentem animam agnoscimus præter humanam, multo minus post mortem perseverantem. Sed neque id tibi concedimus, animas initio creatas esse; nam si sit sermo de mente Hominis, hæc, ut superius dicebamus, quotidie, cum opus est, a Deo creatur. Si autem de belluis agitur, eorum animæ ex vi prolifica suorum parentum una simul cum corpore oriuntur, ac intereunt.

I I I.

Inconsulto quoque docet idem Wolfius, Bruta perceptionum suarum sibi conscia esse; nam cum apperceptio, seu conscientia, reflexionem involvat, reflexio spiritum, & rationem, Brutorum anima spiritalis, ac rationis particeps erit; quod Wolfio non arridet.

I V.

Licet autem bruta omni ratione sint destituta, non est, cur sibi fingat aliquis Schola Cartesiana, ea & sensu expertia esse, quod ibi nullus esse possit, ubi nulla adest cogitatio, ac propterea meras esse machinas, quæ Orologiorum instar per varios partium litus, diversamque organorum dispositionem, diversis motibus ciantur: qui quidem motus a solo

in 2. d. 2. q. 1.
a. 1. ad 7. & 2.
c. gent. c. 56.

Pfyc. rat. c. ult.
simo.

1. p. q. 75. a. 2.
& 3.

Pfycol. emp.
§ 751.

X 19 X

et solo spirituum cursu, varioque cerebri impulsu, nec non certa corporis, & organorum figuratone sine ulla imaginatione, & sensu producuntur; ut docent Cartesii discipuli, de quibus Wolfius: *Bruta pro meritis machinis habent* (intellige Cartesiani) *audaciores magistro suo, qui subdubitanter ea de re loquitur*. Nam cum vera in Brutis vitæ signa, & vera sensus, imaginationisque inditia se se prodant manifestè, aliquid intraneum principium agnoscere cogimur, quod harum operationum omnium sit radix. Hoc principium animam sentientem vocamus.

*Physic. rat. an-
not. 750.
S. Th. 1. p. 9.
75. a. 2.*

V.

At quale erit unquam hoc in belluis intraneum principium? An flamula valde pura; an actiuosa quædam substantia ex puriori Sanguinis portione in cerebri anfractibus expressa, ac in cerebro ipso potissimum vicens? An forte situm erit in Sanguine, vel spiritibus animalibus, in quadam accidentium congerie, ac materiei combinatione? Minime. Hæc enim potius suadent, nullam in Brutis esse agnoscendam animam. Quale igitur erit? Si me rogas: Brutorum anima est forma quædam substantifica, quæ de se nec corpus est, nec spiritus, nec materies; sed quædam substantia corporea actiuosa, & incompleta, a materie dependens; cuius naturam definire non valemus.

*1. p. 9. 76. a. 4.
ad 2.*

Phisica.

I.

Habita de rerum naturalium universali, ac communi quadam tractatione, ut opus ex omni parte, quoad fieri potest; integram, ac perfectum Philosophis exhibeamus, de iis peculiari modo agendum remanet. Ea porro facultas, quæ de rerum natura ordine singulari, ac individuo edisserit, Phisica dicitur: cuius dignitas ex eo redditur cuilibet manifesta, quod circa eos naturale versetur. Quæ tamen, ut magis appareat, singulæ ejus partes seorsim considerandæ veniunt. Dividitur siquidem in Somatologiam, quæ de natura, principiis, propriisque corporis affectionibus agit: in Strocologiam, quæ de elementis disserit: in Meteorologiam, quæ de meteoris loquitur: in Orictologiam, quæ de metalis: Hydrologiam, quæ de aquis: Phytologiam, quæ de vegetabilibus: Botanologiam, quæ de erbis: Physiologiam, quæ de corpore animato disputat. Dividitur deinde in Physicam Mathematicam, quæ rursus partitur in Staticam, Hydrostaticam, Aerometriam, Opticam, Catoptricam, Dioptricam, Astronomiam Opticam, & Phisicam; in qua Chronologia, ac Geographiæ rudimenta tradi solent. Quibus omnibus facultatibus licet naturæ Thesaurus minime exhauriatur: accurate tamen de iis differere, impossibile est.

II.

Quoniam vero in expendendis omnibus difficultatibus, quæ circa quaslibet ex laudatis jam facultatibus, agitari possent, longum, ac operosum serpens vel satis sufficeret, præcipua tantum capita attingere,

re, atque expendere animus nobis est, ne modum excedere superbiusculæ videamur. Admonendi tamen sumus, ut quorundam ora obstruamus, qui nos cœu exules a Thomistica Schola traducere non verentur, S. Thomam aperte, atque palam ad Phisicam pertractandam nudum Geometrix subsidium querere, verum & experimenta: *Phisica*, ait, *experimentum requirit*. item. *Quamvis naturalis Philosophia post Mathematicam discenda occurrat, eo quod universalis ejus documenta indigent experimento*. Et libro 3. de generatione, & corruptione lect. 3. testatur, Platonem ob experimentorum neglectum turpiter errasse.

I I I.

Hæc tamen experimenta ratione confirmanda sunt. Nam fieri quandoque potest, ut ex fallaci experientia, si ei admodum fidamus, in errorem inducamur. Quare duo naturalis Philosophiæ lumina esse dicimus ratio, & experientia, quorum primum officium est, alterum accurate expendere.

I V.

Sensibus quoque uti debent humana judicia in rebus naturalibus; at tanquam miniistris, non tanquam veritatis judicibus. Nam *quandoque*, ait S. Thom., *proprietas, & accidentia rei, quæ sensu demonstrantur sufficienter exprimunt naturam rei, & tunc oportet, quod judicium de re vera, quod facit intellectus, conformetur his, quæ sensus demonstrat de re: & hujusmodi sunt omnes res naturales, quæ sunt determinata ad materiam sensibilem, & ideo in scientia naturali terminari debet cognitio ad sensum, ut scilicet hoc modo judicemus de rebus naturalibus, secundum quod sensus eas demonstrat; ut patet in 3. Cœli, & Mundi; & qui sensum negligit in naturalibus, incidit in errorem*.

Somatologia.

I.

Cum Somatologia sit scientia, quæ de corpore, ejusque principiis, ac peculiaribus affectionibus agit; examinanda itatim venit, quænam sit ei assignanda natura. Cartesius, qui suis claris, ac distinctis ideis ductus, omnia circino, ac mensura metiri studet, non aliam nobis exhibet corporis ideam, nisi eam, quam ex Mathesi acceperat: corpus nimirum tria dimensionem consistere in longum, latum, & profundum. Verum si Cartesius rem penitus perpenderit, iisdemque suis ideis accuratius consulisset: non adeo percipere tale suum protulisset judicium in re, quæ, si paulisper expendatur Cartesio ipsi aperte repugnat. Non abimile proferimus judicium de Gassendi sententia circa corporis vim. Hic enim Philosophus cum extensionem quandam vacuum admittat, corporis ideam nobis exhibet per impenetrabilitatem, quæ sola inani opponitur. Sed meminisse illum necesse est, rei naturam explicari per id attributum, quod rei ipsi primario convenit, & sine quo

res

res illa concipi nullatenus potest; & excidet omnis ejus immaginatio.

I I.

Duo a Philosophis omnibus agnoscuntur interiora rerum principia: alterum omnibus commune, per quod corpora quæque inter se convenient: peculiare alterum, quo corpora inter se differant. Quod si qui fuerint, qui unicum duntaxat principium rerum agnoscerent: hi proculdubio ab aliis Philosophis, vel verbis discrepant, vel rerum vicissitudini minime adverterunt. In assignanda rei materie, (quæ est principium commune) plura, ac omnino diversa excogitant Philosophi: Multi enim dixerunt, eam esse aquam, alii aerem, alii ignem, alii infinitum, alii partes similes, alii numeros, alii denique aerem infinitum. Verum tantum abest, ut nec similia vero ipsi protulerint, quin tales opiniones cum suis auctoribus sepultæ delitecant.

I F F.

Multo minus veritatem attingunt Epicurei tum veteres, tum recentiores, qui primam materiem dicunt esse athomos solidas, & impenetrabiles, figuratas, & indivisibiles. Sed quis hac serio advertens fingere unquam potest? Et licet Petrus Gassendus antiquam athomorum doctrinam a crassioribus erroribus, qui Christianæ Religioni adversantur, expurgaverit, & studiosissime correxerit, non est propterea, quod in pluribus, ac præcipue in re de qua agimus, non deficiat: Nam tantum abest, ut athomi illæ sint prima rerum materies, quin potius, si aliquantulum considerentur, nullæ profus sint.

1. *Phis. lect. 2. & seq.*

I V.

Ingeniosa profecto; ac primo aspectu valde delectabilis est Cartesii Hypothesis de trino elemento. Sed si vel minimum expendatur, inter Esopi fabulas recenseri merito potest. Nihil enim in ea reperire est, quod secum non pugnet. Quare nos ab universa Philosophia eam ita rejicimus, atque expellimus; ut ne dignam quidem censeamus, quæ inter meras Hypotheses enumeretur.

V.

Laudibus digna videtur Chemicorum industria, dum improbo labore se torquent, ut ex corporibus suorum principiorum analysim obtineant, & Salem, Sulphur, ac Mercurium eliciant. Hæc tamen principia, licet Medicæ facultatem apprime juvent, ac Phisicas illustrent disciplinas, proposito tamen non satisfaciunt; præcipue cum nec ipsi Chimici inter se satis convenient.

1. *Ph. 1. 2. & c.*

V. I.

Quid igitur? veritatis punctum perit Honoratus Fabri, qui insectilia elementorum puncta pro prima posuit rerum materie? Nequaquam. Imo ejus Systema neque verum est, nec Philosopho conforme.

V I I.

Concludamus itaque; ac Peripateticum Systema præ cæteris seligamus, velut omnium optimum. Censent autem Peripatetici primam materiam cujuscumque speciei, ac qualitatis expertem esse.

1. *Ph. lect. 2. & 12. & seq.*

se, omnium tamen capacem; quæ licet in se substantia sit omnino incompleta; ac proinde rudi, ac mechanicæ imaginationi minus serviat; rationi tamen magis consentanea est.

V I I I.

Materiei upitur substantifica forma, cujus est, materiam ipsam vagam, ac indeterminatam ad certam, & definitam speciem trahere. Hæc autem forma sita non est in sola materiei varia combinatione, ac plexu: neque in certa motus, quietis, aliorumque accidentium congerie; sed est substantia quædam incompleta quidem, absoluta tamen & actuosa, a materia reipsa distincta, cujus actus est, & perfectio, cum quæ naturale concretum, ut pars potior ac nobilior, revera constituit.

I X.

Naturale itaque concretum materia, & forma constat. Porro quoad hæc duo unita manent, compositum perseverat, labefactatur autem, cum dissociatur. Hinc observamus, composita interdum ita labefactari, ut nodum insensibiles quædam ejus particulæ congregantur, vel dissociantur; verum & tota natura mutari conspicitur. Quare statuimus, aliud quidpiam esse generum, ac interitum corporum præter nudam corpusculorum coagmentationem, aut dissolutionem: quemadmodum neque in mera partium evolutione sitam esse substantificam corporum generationem, & corruptionem; ut inde liceat inferri cum Leybnitzio: nec in animantibus ullam propriè dictam nativitatem, vitam, mortem agnoscendam esse.

X.

Verissima est igitur Animantium generis; cum viventia omnia possint ex alimento in sui substantiam converso aliud sibi simile generare independentem ab omni primitivo semine, aut præexistente corpusculo, aut Ovo immediate a Deo creato; ita ut Deus Opt. Max. initio omnium animantium corpora minime creaverit in exilissimo compendio, velut in unam molem collecta, eaque vel immixta particulis elementaribus, vel in Ovario Foeminae posita, vel denique in spermate innatantia, adeo ut in Adamo, ut opinantur Wolfius, Leibnitzius, & alii, aut in Eva, ut censent Ovorum patroni, tota Huminum posteritas contenta fuerit, & expressa.

X I.

Inter varias corporis proprietates potiorē sibi vindicat locum divisibilitas, quatenus res quælibet, licet in mole minima, in partes pene infinitas sectilis est: (quæ certe partes nullo instrumento corporeo exhaustiri possunt); adeo ut si siagamus etiam eam post multiplicem divisionem talem induisse tenuitatem, ut omnibus minor esset, hæc tamen ulterioribus foret obnoxia divisionibus cum phisicis, ac realibus effect donata partibus extra se invicem positis. Secunda proprietas est subtilitas, quæ ita est corpori propria, ut vix explicari queat, quomodo ipsum reipsa attenuetur, & quidem facillime, si experimenta fiant in Auro, aliisque metallis, ut observatum est a Keil, Rohault, aliis.

loco laudato.
Or 7. Phisic.
lect. 5.

1. Phisic. l. 9.
Or lib. 3. l. 10.
Or lib. 6. l. 1.

X 23 X

aliisque recentioribus. Tertia proprietas est porositas. Nullum enim in rebus corpus est, quod pluribus poris refertum non sit: abundant enim poris corpora magis, vel minus, prout ejus partes magis, vel minus conspatae sunt, atque conjunctae. Neque inde inferat aliquis, dari in rebus inane his poris insertum; Nam Porus, ait S. Thomas, *hic vocatur illa pars rei porosa, quae est plena corpore subtili, sive tale corpus sit ejusdem naturae cum reliquo, sive alienae, puta aquae, vel aëris*. Et lect. 12. causam assignans, cur quaedam corpora comprimi, & in minus volumen redigi possint, ita discurret: Ratio autem, quare talia sunt capibilia, est, quia habent poros plenos subtiliori corpore, sive tale corpus subtile sit ejusdem naturae cum reliquo, sive alterius; nam tale corpus subtile egreditur, quando capitur, si est alterius naturae, ut patet in spongia. Quare licet corpora multis sint poris referta, nullum propterea manet in rebus vacuum. Imo si rationes, atque experimenta consulamus: tum ratio, quam experimenta ipsa nobis satis declarant, nullum esse in natura tale vacuum sive disseminatum, sive coacervatum.

4-Meteor. l. 11.

Stoecologia.

I.

Stoecologia facultas, est, quae circa elementa, elementorumque affectiones tota occupatur. Quantum ad elementa ipsa pertinet, nihil proferimus, cum omnia, quae dici possent, adeo impervia, difficilia ac multis involuta tenebris, ut nil appareat, quod delectationi intervenire possit. Admonemus dumtaxat, ea esse corpora gravia, ac suis respective locis gravitare. Nonnulla circa elementorum affectiones dicere animus nobis est. Ac primo statuimus, calorem non consistere in motu expansivo celeri, ac perturbato partium insensibilium, ut docent Cartesiani: nec in Athomis rotundis, tenuissimis, ac mobilissimis, ut docent Gassendistae. Statuimus secundo, Frigus situm non esse in motus defectu, vel ejus saltem diminutione, nec in particulis frigoricis figurae pyramidalis, aut in particulis viscosis, & salinis corpora subeuntibus. Cum potius sustineri possit Aristotelis doctrina, quae docet: calorem qualitatem esse, quae homogenea congreget, heterogenea disgreget: Frigus e contra, quod homogenea, atque heterogenea simul confundat. Quae licet Philosophi definitio nimium vaga appareat, & ab effectibus desumpta: non inepte tamen caloris, ac frigoris naturas explicare, nobis videretur. Partes autem heterogeneas, & homogeneas hic dicimus non per naturae similitudinem, aut discrepantiam; sed per firmitatem, & consistentiam, aut fluiditatem, & spiritabilitatis analogiam.

II.

In assequenda firmitatis causa plurimum inter se dissentiunt Philo-
sophi. Alii naturae firmitatem in corporibus ex eo repetunt, quod ea
B 4 unci-

uncinatis consent particulis: alii eam desumunt ex partium quiete: alii ex pressione subtilis materię. Verum hi dicendi modi vel ad eo infirmi sunt, ut primo examine corruant: vel evidenter veritati adversantur, vel denique quęstionem minime satisfaciunt.

Aliquid clarius, ac magis exploratum habere se præstant in adsignanda corporum fluiditate. Dicunt itaque, ex eo oriri fluiditatem, quod fluidum constet particulis tenuioribus figurę, ut plurimum rutundę, & equalis, in quibus perturbatus sit motus, licet sub sensum minime cadat, quia subtilis materia illarum particularum interliticia permeans, ac sui efficacia agitata, talem motum producit. Sed cum hi Philosophi eodem plane modo, fluidum, & calidum explicent: non est, cur illis adhareamus; præcipue cum admissis etiam tot commentitijs hypothesebus, id obtinere nequeant, quod cupiunt.

I V.

Ex his affectionibus corporis derivare videtur durities, quę licet a firmitate, & soliditate minime distinguenda videatur; ut quid tamen ab illis distinctum sumimus: quatenus firmum, & solidum est, quod suos terminos tuetur, sed aliis corporibus cedit: durum autem, quod ita suos terminos tuetur, ut aliis corporibus minime cedat. Hinc Philosophus durum corpus dicit, quod non cedit: molle, quod cedit. Molle distinguimus a fluido; quia licet utrumque cedat: fluidum tamen ad latera refluit, & ejus partes divelluntur: molle suam massam junctim conservat. Verum quod firmum est, & solidum, eodem modo se habet, ac durum; cum hæc sit utriusque natura, ut suos terminos tuantur. Ob id autem duritiem a firmitate distinguimus; quia altera molliitudini, altera fluiditati opponatur. In corporibus mollioribus quoddam genus adinvenitur, quod viscosum dicitur; cujus partes, dum tanguntur, tangenti adhærescunt, & tenaci quoddam vinculo illi implicantur.

V.

Pelluciditatem in eo sitam volunt fere omnes Philici, quod in corpore sint pori in directum positi, per quos lux recta transire possit. At illud intellectu arduum in corporibus pellucidis quidem, sed densis, & stipatis, cujusmodi sunt aqua, crystallus &c. tot reperiri directos meatus, quot requiri videntur ad lumen tanta copia transmittendum, Nam si hoc semel admitteretur, nil aliud esse posse video aquam, & Crystallum, quam meatuum aggregatum. Fatemur tamen, lucis radios per omnem aquę, aut Crystalli partem non transmitti; cum multum potius in talibus corporibus opacitatis sit, multęque viæ radiorum transactioni interclusę, cujus rei illustre habemus argumentum, quod ex radiis, qui in superficies talium corporum incidunt, multi reflectantur. Si enim lumen per puriorem Crystallum transmissum carta excipiat, multis maculis interscissum conspicitur: quod certe non contingeret, si radii omnes, qui in superficiem incidunt, refrangerentur. Ex quo coniciunt Philosophi, corpora, licet opaca, si in requissimas laminas ducan-

X 25. X

ducantur, quādam acquirere pelluciditatem, ut contingit in ebore &c. quia imminuta crassitie ejus pori obturati minus remanent.

V I.

Quæ hætenus exposita, licet non levem veri speciem præbeant, clarā tamen ac perfectā pelluciditatis ideā nobis minime exhibent. Cum multa quoque superint intellectu difficilia: cur scilicet tam constans ille meatuum ordo, ut Crystallus, quantum est in se, pellucida sit, in minimas autem particulas detrita pelluciditatem deponat, denuo vero fusa, pelluciditatem pristinā obtineat? Cur aqua in glaciem condensata multum de sui pelluciditate amittat, & plumbum igne solutum pellucidum fiat? Quod si queratur, quoniam artificio refractione illa rectitudo, ut sacra tecta serpunt, quæ de radiorum refractione a Dioptrici demonstrantur: ut semper refractione fiat, in ratione constanti sinus anguli inclinationis ad sinum anguli refracti, ita ut quocumque obvertatur pellucidum corpus, radius, qui in illud perpendiculariter incidit, irretractus provehatur: ceteri vero pro varia a perpendiculari distantia varie etiam refringantur? Non video, quid possint reponere.

V I I.

Quare fatius erit dicere, pelluciditatem nil aliud esse, quam corporum quorumcumque affectionem ab eorum natura promanantem, quæ ita disponuntur, ut radii liberum aditum concedant, ea tamen lege, ut pro vario in horum corporum superficies incurru, varie etiam determinentur. Quomodo autem id natura præstet, ingenue fateamur, nos nescire. Quamquam dicere possemus, in corporibus opacis plurimum adesse materiæ terrestris, in pellucidis vero aquæ, & aeris.

V I I I.

Nonnulla addere possemus circa raritatem, & densitatem; sed ex huc usque dictis, facile quis intelliget, quid nos sentiamus. Ommittimus quoque de aliis quibusdam dicere; ut de flexibilitate, qualis in ligno viridi reperitur: ductibilitate, qualis in metallis, præsertim in auro; de fragilitate, qualis in lapidibus, qui in frustra disiliunt: de friabilitate, qualis in lapidibus arenaciis, qui in pulverem abeunt; de quibus facile quivis ratiocinari potis est; quemadmodum de iis, quæ ex corporum figura prædeunt; cuiusmodi sunt levitas, & asperitas, quarum utraque ex diversa partium configuratione, oritur.

I X.

Sonitum in quodam succussu aeris, seu tremulo, ac reciproco ejusdem motu ex corporum collisione orto consistere dicimus: qui motus per undulationes, sive etiam per radios sonoros explicari potest.

X.

De odoribus, & saporibus nihil proferimus, cum res sit altis circumfusa tenebris, si intrinsicè expendatur. Quod si quis odoris ac saporis mechanicam aliquam efflagitaverit ex nobis ideam: dicimus, cuiusmodi mechanisum per estivium quoddam substantiale, quod a corpore odorifero profluit, explicari posse; præcipue si huiusmodi effectus

2. de animo
lect. 20.

X 26 X

in mediocri distantia contingant. Quamquam, ut verum fatear, omnia, quæ proferri possent, non probant, quod aliqui nimium confidenter sibi persuadent.

X I.

Tanto magis assensum nostrum cohibemus circa reliquas huiusmodi qualitates, quæ vulgo occultæ, & quidem merito, vocantur. Cum & illi, qui omnia scire volunt: omniaque se explicare gloriantur: hæc in re claudicent ambis tybiis. A convitiis saltem abstinere. Omnem movent lapidem recentiores Philosophi, ut horum effectuum causam aliquam adferre possint: incassum tamen laborant; nam interrogati, quare hæc particulari ita agitata: talem potius præ altero effectum producant: reponunt fidenter, se non teneri ad huiusmodi causam reddendam. Preclare! idem & nos dicimus.

X I I.

Unicum tamen circa magnetem proferimus verbum, multas scilicet excitatas esse a solertissimis Philosophis hypotheses, ad explicanda omnia ejus phenomena: neminem esse tamen, qui repleta ad optinere potuerit, licet admodum laboraverit, & unum vel alterum clarissime exposuerit; ut quilibet animadvertere poterit, si semel Hugenianam, Cartesianam, Hallesianam Hypotheses consulere non dedignabitur. Quare concludimus, in multis cogitationes Hominum deficere, & in assignandis præcipue earum rerum causis, quas Deus voluit, & vult, absconditas esse mentibus nostris.

Hydrologia.

I.

4. diff. 14. g. 1.
a. 5. ad 4.

DE aquis, de quibus agit-Hydrologia, unum duntaxat in præsentia examinandum sumimus (cum illa, quæ dici possent, proprium sibi vindicent locum in Hydrostatica; de qua paulo infra) nempe Fontium, ac Fluviorum originem; quæ non debetur solis imbribus, nivibusque solutis, ut quidam recentiores contendunt; cum ea potius repeti possit, tum ex laudatis causis, tum etiam ab aqua marina per secretos canaliculos ad terras resfluente.

Me-

X 27 X

Ubi præcipue statica principia jaciuntur, atque examinantur.

Mechanica a Philosophis communiter dicitur scientia de motu, quæ si, ut latissime patet, consideretur, Staticam, Hydrostaticam, & Aerometriam complectitur. In hac aliquantulum immorabimur, clariore, ac nobiliores ejus rationes exponendo, & explicando. Atque ut ordine procedamus, nonnulla de motu generatim initio subicimus, quæ veluti media haberi possunt ad eum motum explicandum, qui fit per machinas. Motus porro naturam non apte explicavit Cartesius, cum dixit, eum esse translationem unius partis materia ex vicinia eorum corporum, quæ illud immediate contingunt, & tanquam quiescentem spectantur, in viciniam aliorum. Nam, nisi vicina corpora vere quiescant, corpus iis circumseptum re ipsa movebitur, etiam si in eadem vicinia sine translatione moretur; ut animadvertit Newtonus in suis elementis Philosophico-Mathematicis. Hic autem motus idem non videtur cum re mobili, sed quid ab illa re ipsa distinctum, eique superadditum: contrarium ac de quiete dicendum occurrit, quæ, si secundum sui naturam spectetur, nec aliquam actionem, vel causæ efficientiam exigit, ut fiat; ne quidquam positivum censeri potest, sed sola motus privatio.

Neque verum esse putamus, quod Cartesius opinatur, motus quantitatem hocce in universo definitam esse, ac determinatam, ut ne leviter quidem moveri possit aliqua, vel minima materie part, quin tantundem motus ab alia auferatur.

Sed neque alterum ferre possumus, quod Cartesiani nimis intemperanter obtrudunt, causas nimirum secundas omni vi esse destitutas, & solum occasionales esse. Nam, etsi Deus Opt. Max. agnosci debeat omnis motus princeps causa, non propterea ableganda est a Creaturis omnis ratio causæ, ita ut ex nec sint, nec esse possint veræ, ac propriæ motus causæ, licet secundæ, & a prima dependentes, sed occasionales tantum. Cum ex vere, ac proprie agant, motum, ac perfectiones proprias aliis importantur. Quod congruit bono nature, ac divinæ bonitati.

Inter varias motus elastici opiniones, quæ vulgo circumferuntur, probabilior nobis videtur ea, quæ statuit, vim elasticam corporum esse ab aere in eorum poris intercepto, qui per inflexionem arctatus, pressus, & tensus, dum se restituere nititur, motum illum excitat.

Causa motus simplicis ab una vi repetenda est: rectilinei autem

lib. 4. Matheo
lect. 11.

com-

X 18 X

compositi, seu mixti a duabus viribus, quæ ita in diagonali conspirant, ut illam eodem tempore describant, quo latera separata: ex quo tamen non efficitur, unicam vim fieri ex illis; quandoquidem altera, quæ obicem patitur, destrui, ac dimidiari potest, incolumi altera manente.

V I.

Ab elaterio oritur corporum reflexio, ita ut sine illo esset penitus impedita; quoties incurfus in obicem fieret ad lineam plano perpendicularem. At si corpus diagonalem Parallelogrammi describendo, incidat in platum omni elaterio destitutum, illius motus penitus non impediretur. Quod si reflectatur, hæc reflexio partim est ab elaterio partim a vi prioris impetus. Ex quo intelligimus, cur in reflexionibus angulus reflexionis sit æqualis angulo incidentiæ.

V I I.

Reflectuntur quoque corpora etiam solidiora si è rariori in densius ad angulos incidentiæ valde acutos proiciantur. Quod si non adeo acutum angulum describant, refranguntur, & in incidentiæ puncto, vis perpendicularis, quæ a refringente superficie patitur obicem, diminuitur, vi horizontali, quæ a superficie horizonti parallela nullam patitur oppositionem, incolumi, & illibata manente; & refractio sit a perpendiculari recedendo.

V I I I.

Quatuor priores regulæ a Cartesio traditæ de communicatione motus in corporum collisione a vero plurimum discrepant, etiamsi nullam habeamus elaterii rationem. Quare hæc longe melior statui potest: si fuerint duo corpora non elástica, & alterum in quiescens impingat, post ictum ambo in eandem partem ferrentur; eritque velocitas aggregati, ad velocitatem primi mobilis, ut est primum mobile ad aggregatum reciproce.

I X.

Verissimilius arbitramur, gravia deorsum ferri suapte natura, & ab interiori principio; quam ob vorticofum subtilis materiæ motum; vel intestinam, viscidiorum spirituum agitationem; vel pressionem subtilioris aeris a vi centripeta continuum impetum facientis in corpora; eaque ad descensum cogentis; vel denique emissis e terra corpusculis deorsum trahi.

X.

Hæc autem corpora gravia dum ruunt, æquali velocitate cadunt, si nulla sit mediæ resistentiæ. Quod si medium aliquantulum obstat, vel velocius cadunt, quæ specie graviora sunt; atque etiam in gravibus homogeneis ea, quæ mole majora sunt, majori quoque celeritate feruntur. Non est tamen prætermittenda externæ figuræ consideratio, quæ possunt medio fluido incumbere.

X I.

Corpora gravia inter descendendum continenter suum motum accelerant; cujus accelerationis ratio est juxta progressionem Arithmeti-
cam

2. *Phis. l. 1.*
c. 7.

lib. 4. *Phis.*
lect. 11.

cam numerorum imparium, adeo ut spatia decursa ab initio casus computata se habeant, ut quadrata temporum, vel, quod idem est, sint in ratione duplicata temporum. Qui motus propter aeris resistantiam tandem ad æquabilitatem pervenit.

lib. 1. de Cælo
& Mundo. l.
17. & 12.

X I I.

Velocitates a gravibus aquisitz se habent ut tempora, quibus acquiruntur; quæ si æquabiliter augeantur, si dato tali tempore corpus jam tantum confecit spatii, dimidium illius spatii confecit, quod confecisset, si tota velocitas, quæ est in fine dati temporis, extitisset toto tempore motus elapso. Ex his probatur manifestè, cur acceleratio corporum cadentium fieri debeat secundum Gallineanam proportionem.

X I I I.

Licet gravia in plano inclinato minus momentum habeant, quam si libero descensu caderent, si tamen per diversa plana inclinata excurrant, quorum perpendicularia æqualia sint, eisdem velocitatis gradibus ferrentur. Æqualia autem pondera, quorum unum perpendiculariter cadat, aliud per planum inclinatum descendat, habent momenta cum longitudine plani, & perpendicularis reciproca.

X I V.

Si duo gravia naturali motu descendant, per duo plana similiter inclinata: tempora iis percurrendis impensa erunt in subduplicata ratione planorum.

X V.

Corpus supra planum aliquod erectum, si linea directionis non cadit extra basim; vel si corpus illud fulcris innixum non satis incurvatur, non corruit. Si vero satis incurvetur; vel linea directionis extra basim cadat, corruet; & ejus casus fiet ad eam partem, quam spectat centrum gravitatis.

X V I.

Si in Libra pondera utrinque æqualia appendantur, erunt in æquilibrio, si æqualiter distent a jugo. Si autem sint inæqualia, erunt in æquilibrio, quoties distantia minoris a jugo habeat eandem rationem cum distantia majoris, quam majus pondus habet ad minus; quod est esse reciproce in ratione ponderum, & distantiarum.

X V I I.

Vires potentie augentur, si ad Vectim, Libram, Cocleam, Trocleam aliasque mechanicas machinas applicentur; & tanto magis, quanto ab Hypomoclio distant. Quod si duo corpora ita fuerint disposita, ut habeant rationem reciprocam gravitatum, & velocitatum, erunt in æquilibrio. Ex quo adferri commodè potest ratio auctæ per machinas potentie.

X V I I I.

Et si nobile admodum sit Leibnitzii inventum, quo vires vivas corporum motorum deprehendit, eliminandas esse ex massa ducta in quadratum velocitatis; quod celebri experimento firmavit Cl. Polenus:

X 30 X

non est tamen, quod veteri relicta opinione, quæ statuit, vires vires estimandas esse ex massa ducta in simplicem velocitatem, illi ad hæreamus. Quare si duo mobilia invicem comparentur, eorundem vires erunt in ratione composita massarum, & velocitatum; sin vero duo gravia æquavelocia, vires erunt, ut massæ; si demum massæ corporum æquales fuerint: vires erunt, ut velocitates duntaxat.

X 1 X.

lib. 1. de Cælo
& Mundo l.
27. & 18.

Projecta, cum a projiciente separata fuerint, non promoveantur medio fluido, posticam corporis partem continenter urgente; sed potius per impetum a projiciente impressum. Cum vero secundum directionem Horizonti inclinatum impelluntur, & interim vis gravitatis irreposito conatu agit, ita ut spacia percurra sint, ut quadrata temporum, lineam conficiunt parabolæ; cujus sagittæ sunt in duplicata ratione ordinarum.

X X.

Ejusdem penduli oscillationes, licet inæquales ad sensum, sunt æquidistantes. Tempora vero oscillationum duorum pendulorum per eodem arcus excurrentium, erunt in subduplicata ratione longitudinum, seu radiorum.

Hydrostatica.

I.

HYDROSTATICA agit de motu fluidorum, de quibus nonnihil dicere volentibus, statuimus statim; hanc esse eorum naturam, ut ad libellam se componant. Hinc in Tubis communicantibus, si perpendicularis altitudo fluidi homogenei sit utrinque, æqualis, etiam si alterius Tubi diametrum sit alteri inæquale, erunt nihilominus in æquilibrio.

I I.

Corpus specificè gravius in fluido leviori demersum, tantum sui pondere, sentitur imminutum, quantum est pondus fluidi sub volumine æquali volumine corporis demersi. Corpus vero solidum fluido corpore specificè levius, si in illud demittatur, tanta sui voluminis parte mergitur, in cujus loco stare posset talis fluidi quantitas, quæ sui pondere totum illius solidi pondus æquaret.

Aero-

Aerometria.

I.

Aeri (de quo edisserit Aerometria) hæc videntur, eitra controversiam, tribui posse, quod vi elastica polleat, quod comprimi, ac dilatari possit. Sunt autem aeris compressi volumina reciproce, ut corpora comprimentia.

I I.

Suspensio illa fluidorum, quæ sæpe in Tubis Torricellianis, & Antliis aspirantibus admiratur, commode repeti potest a pressione aeris. Hinc in Tubo Torricelliano major columna mercurii suspenditur in locis humilioribus, quam altioribus.

Optica, Catoptrica, & Dioptrica.

I.

Optica græce, idem est ac latine scientia de visione per radium directum effecta. Verum, ut de hæc visione aliqua proferre recte valeamus, facultatem designare primum juvat, a qua visio, ipsa elicitur. Facultas hæc oculus dicitur, qui quinque tunicis constat, cornea nempe, sclerotica, uvea, choroide, & retina, ex tribus etiam humoribus componitur aqueo, chrystallino, vitreo. Proprium visus organum ex variis observationibus retinam esse colligimus, in cujus extremis fibrillarum apicibus probabiliter visio conficitur.

I I.

Multas porro detegimus causas, quæ visionem turbant; Nam si inter humorem chrystallinum, & retinam exigua nimium fuerit distantia; aut humor chrystallinus non fuerit admodum convexus: Homo erit præbita. Si autem e contra retina nimio intervallo distet ab humore chrystallino; vel si hujus humoris chrystallini nimia fuerit convexitas: Homo erit Myops. Horum autem accidentium diversi sunt gradus; Sphæricitas enim humoris chrystallini, & ejus distantia a retina variis gradibus potest distingui. Idcirco Præbitæ, & Myopes alii magis, alii minus tali oculorum vitio laborant.

I I I.

Ut obiectum duobus oculis spectatum geminatum non appareat, ac recto situ repræsentetur, licet in retinæ ellima fuerit imago inversæ depicta, in horoptere collocandum est; nam tunc quodlibet obiecti punctum in oculum radians in eo horoptere puncto videbitur, ad quod concurreret radius a puncto radiante in oculum immisus, si ab oculo per eandem viam retroduci intelligatur.

IV. Quæ

Quæ sub æquali angulo videntur, apparent æqualia, quæ sub minore, minora, quæ sub majore, majora: Tota autem altitudo, sub qua distantia, & altitudines spectari possunt, intra limites recti anguli continentur.

V.

Cum autem visio propagari nequeat, nisi media luce, nos diversa ejus phænomena contemplantes, deprehendimus manifeste ejus naturam obscurissimam esse, nec satis esse ad eam declarandam æthereæ substantiæ globulorum pressuram rectilineam, ut quidam auctorant: nec corpusculorum, seu molecularum tenuissimarum a luminoso corpore diffusionem, ut alii censent.

V L.

Illud autem statuimus, luminis intensitatem a puncto radiante per spatium diffusi, in diversis ab eodem puncto distantis esse in ratione duplicata earundem distantiarum inverse.

V I I.

Si distantia corporis luminosi, plani longitudinem excedat, radii ab illo corpore venientes angulum efficiunt insensibilem, & proinde est, ac si ad sensum paralleli inciderent. Ex quo intelligitur, cur Mathematici in Dioptrica, & Astronomia, radios solares a centro Solis ad terram deductos, ut phisice parallelos assumant.

V I I I.

Catoptrica est scientia, quæ agit de radio reflexo. Occupatur potissimum in contemplandis speculorum proprietatibus, iisque phænomenis, quæ per radios a speculo reflexos exhibentur. Tam multa autem sunt, tamque mirabilia, quæ ex variis speculorum generibus oriuntur phænomena, ut nulla scientia sit, quæ Homines ita in admirationem rapiat. Nos aliqua duntaxat attingemus. Statuimus itaque, quod in mechanica de corporibus docuimus, reflexionem radiorum luminis ita esse constitutam, ut angulus incidentiæ par sit angulo reflexionis. Ex quo principio, jucundissima multa, eaque admirabilia deducuntur; atque illud præcipue, ab uno speculo resilire plures radios a quacunque obiecti parte incidentes, sed non omnes ad unum punctum reflecti.

I X.

In speculis planis quodlibet obiecti punctum videtur in concursu catheti incidentiæ, & radii reflexi. Ex quo fit, ut omnes, qui obiectum in speculo intuentur, ipsum eodem loco videant: nec geminatum appareat. Hæc porro imago in speculo etiam similis pingitur, ac æqualis obiecto, licet quæ dextera sunt sinistra videantur; & tanto intervallo imago puncti radiantis post speculum planum apparet, quanto punctum radians a speculo distat.

X.

Dioptricæ munus est agere de radio refracto. Multa commoda in humanam vitam ex Dioptrica manarunt, quibus alix scientiæ mirifice auctæ

X 33 X

auctæ sunt. Nam per specilla subventum est visus imbecillitati : & magnum accepit Astronomia incrementum ex Telescopiorum usu : & Philica in minutissimarum naturæ operum microscopiis adiuta longius progressa est. In hac non diu immorabimur. Lucis refractionem, si e rariori in densius oblique incidat radius, fieri dicimus ad perpendicularem accedendo, aliter ac de corporum refractione in mechanica docuimus. Id autem ex eo asserimus, quia persuasum nobis est, radium facilius per densioris liquidi porulos premi, quam per aerem, qui variis implicatur filamentis. Hæc autem refractione fit semper in ratione constante sinus anguli inclinationis ad sinum anguli refracti.

X I.

Ex variis per prisma refractionibus, & reflexionibus, ac variis in opposita carta depictis coloribus, coniciamus, coloris naturam satis apte non declarari per motum rectum, & circularem globulorum secundi elementi Cartesiani. Imo licet illustris admodum sit Nevvtoni opinio, quæ docet, varios esse lucis radios, & ita comparatos, ut nativa gaudeant refrangibilitate, & proprium quilibet sibi vindicet colorem : ea tamen assensum nostrum minime devincit; cum multa sint, quæ nulla ratione possunt confirmari, quæ tamen ut certissima præsupponi debent; qualia esse possunt attractio, & gravitatio; de quibus nihil ipsi proferunt.

X I I.

Quare verissimilius arbitramur, lucis coleris ex difformi radiorum diffusionem repeti posse. Ob varias etiam radiorum refractiones, & reflexiones explicantur iridis apparentiæ.

Astronomia optica, & Phisica.

I.

INnumera, dubio procul, sunt bona, quæ ex consideratione motuum, ac celestium phenomenorum in Vita civili manarunt. Hinc enim Nauticæ certam, ac constantem suæ navigationis regulam nacti sunt. Hinc Astronomi necessarias illas accepere notitias de sphaera Mundi, de usu Globi, ac ejus constructione : de refractione Syderum, earumque paralaxi; ex quibus oriuntur illæ adeo utiles, de distantia Planetarum a Terra, eorumque phasibus, ac varia velocitate cognitiones, &c. quibus sine Astronomia optica omnino destituta esset humana cognitio, & quod caput est, Theologiz candidati duo ornamenta, ac præsidia commendatissima recipere Geographiam scilicet, ac temporum doctrinam, quæ ex Astronomia necessario proficiunt.

*S. Th. ep. 70.
sup. 30. de
Trin. q. inc.
ages ad 9.*

I I.

Inter varia Mundi Sistemata ab Astronomis hæctenus excogitata, nullum occurrit, quod rectius, & commodius adoptari possit. Hoc tamen

men semiter tenendum est, quod & motibus coelestibus magis consensum videtur, Solem esse centrum Planetarii Systematis; quemadmodum, & alterum, Tellurem nec motu vertiginis circa proprium axem contorqueri, nec annuo cursu magnum orbem describere.

I I I.

Quare motus Solis admittendus est, quo a Tropico ad tropicum sensim progrediatur: sicuti & motus Apogei, & Perigei, quo Telluri, & propinquior, & remotior evadit. Imo, cum Apogeon progrediatur, licet motu lentq, in consequentia signorum, mutabilem deducimus Anomaliam mediam, & coequatam, & annum vulgarem a Solari Tropico, & multo magis a Periodico excedi.

I V.

Sol in suis motibus aliquas interdum praefert inaequalitates non tantum Opticas, sed Physicas, quae certe satis apte explicari nequeunt in hypothese simplicis excentrici. Hinc bisserianda est excentricitas per calculum Trigonometricum in Theoria Solis a veteribus constituta.

V.

An vero assumi debeat Kepleri hypothesis, in qua distantia focorum sit tota excentricitas vetus, & anguli a radio vectore, & linea Augium confecti, licet temporibus proportionem non respondeant, aera tamen, quas radius vector verrit, sunt temporis elapso proportionales: non magnopere judicandum sumimus. Illud tamen non adeo facile est invenire scilicet areolam, dato parvo quoddam tempore, quo radius vector a summa Aspidi digressus est, quae sit ad totam eclipsum; ut minimum tempus illud ad totum tempus periodicum Planetæ; sine quo numquam verus in ecliptica locus soli designabitur. Hinc arduum problema de sectione aerae ellipticae, ad quod Geometras Keplerus invitavit; cum nec ipse recta methodo perficere posset.

V I.

Luna est corpus asperum, variis prominentiis, & cavitatibus interruptum; ex cujus superficie inaequalitate, ac varia luminis reflectione, ac refractione oriuntur maculae: quae certe aliud quidpiam sunt, quam maria, flumina, lacus, arbores, regiones &c. ut nonnulli in animo sibi induxerunt. Imo quae de atmosphæra, ac lunicois, (sicut & aliorum Planetarum habitatoribus) ab aliquibus excogitata sunt, nobis videntur lusus in re seria.

V I I.

Non modo Lunam, cujus phases, & eclipses magis conspicuae sunt, verum & alios Planetas Solis luce reflexa fulgere arbitramur. Similia pro fixis non habemus; proinde, eas proprio lumine gaudere ceosemus.

V I I I.

Quamquam multa conquesta sunt a celebrioribus Astronomis, pro constituenda Cometarum Theoria: nihil tamen protulerunt, quae nos satis evincant, ea esse corpora Mundo coeava suis in orbitis valde excentricis circa Solem lege

adum labefat

X 35 X

statam credimus sententiam, eorum qui docent, eas esse ignes repente in Cœlo formatos.

I X.

Ingeniosa, & acuta profecto est Doctrina, quam Nob. Nevvtonus tradidit ad explicandas motuum Planetarum causas: ea tamen non adeo facile nobis suadet, Planetas primarios versus Solem, & satellites versus Primarios vi centripeta urgeri; qua fiat, ut a motibus rectilineis coerceantur, & in curvis contineantur. Id autem præcipue dicimus, quia in tali hypothefi multa supponuntur, de medii scilicet resistentia, de proportionali mutua corporum gravitatione, & similibus, quæ Philosophus sine gravi ratione admittere non debet.

X.

Vix ullam veri speciem præferunt, quæ subtiliter quidem, ac ingeniose in Astronomia docet Keplerus de Magnetismo, fibris librationis, earumque parallelismo, & fibris latitudinis. Hæc enim optantur potius, quam differentis Philosophi videntur inventa. Quemadmodum etiam nimis libere ab eo constitutas esse, arbitramur, rationes illas densitatis, & magnitudinis in Planetis; ut inde deducat: quadrata temporum periodiceorum, esse ut cubos distantiarum mediarum. Plura alia dici possent: at non possumus omnia persequi, ex his tamen quæ in medium attollimus, facile quis deducere poterit, quid proferre possemus, si per tempus, & locum liceret, ut omnia hic exhiberemus, quæ circa has facultates jam tradidimus.

FINIS

FINIS



104

*Disputabuntur publice Tarvisi
in Templo S. Nicolai apud
Patres Ordinis Prædicatorum
die 31. mensis Augusti 1744.*

